



Norges Vassdrag- og energidirektorat
Postboks 5091 Majorstua
0301 OSLO

Dykkar	Dykkar	Vår ref:	Vår saksbehandlar:	Dato:
ref:	dato:	26/6471 - 26/25780	Idunn Eide Sanden -	06.03.2026
	10.02.2026			

Høyringsvar - Molde kommune - detaljplan - rehabilitering av Dam Moldevatn

Fylkeskommunen utgjør det regionalpolitiske nivået i det norske styringssystemet. Fylkestinget er øvste mynde.

Fylkeskommunen er på vegner av staten delegert forvaltingsmynde mellom anna innan samferdsel, kulturminnevern, vassressursforvalting, naturressursforvalting og friluftsliv, men har også viktige roller som pådrivar for regional utvikling og som tenesteleverandør innan kultur, utdanning, tannhelse og samferdsel.

Fylkeskommunens planverk er, saman med lover, forskrifter og retningslinjer styrande for korleis dei ulike rollene og oppgåvene blir samordna og løyste, også når vi er høyringspart i ulike saker.

Fylkeskommunen har ansvar for drift og gjennomføring av regionalt planforum. Vi rår til at alle kommuneplanar blir lagt fram og drøfta der, før vedtak om offentleg ettersyn.

INNLEIING

Saka gjeld detaljplan for miljø og landskap i samband med rehabilitering av Dam Modlevatn.

MERKNADER TIL DETALJPLAN

Miljø og klima

Regional vassforvaltningsplan set miljømål i vassførekomstar i kyst, vatn og vassdrag og hovudmålet er god økologisk og kjemisk tilstand i løpet av planperioden. Miljømåla dannar grunnlaget for korleis ein skal sikre vassressursane våre mot øydelegging.

Vassforvaltningsplanen skal leggst til grunn for verksemda til regionale organ og for kommunal og statleg planlegging og verksemd i samsvar med pbl. § 8-2 og vassforskrifta § 29. Ein skal som

hovudregel ikkje gi løyve til nye inngrep eller ny aktivitet som medfører at miljømål ikkje blir nådd, eller at tilstanden blir dårlegare. Tiltak som kjem i konflikt med miljømål, må behandlast etter vassforskrifta § 12. Vassforskrifta bør nemnast under lovverk.

Tiltaket går inn i vassførekomst Moldevatn 105-31220-L og Moldeelva, 105-101-R, nedstrøms dammen. Miljøtilstand og miljømål er god for begge vassførekomstane. Det er registrert at ål kan gå opp til moldevatn og innlandsfisk er i vatn og i elv. Fisk og vassmiljø er ikkje omtalt i detaljplanen og må inngå som ein del av vurderingane som må gjerast. Vurderingane må sjåast opp mot miljøtilstanden i dag og miljømål for dei aktuelle vassførekomstane. Vi vurderer at tiltakets påverknad på vatnet og elva nedstrøms ikkje vere stor, men det må synleggjerast at det er gjort vurderingar på dette. Dette må inn i kapittel 2. I tillegg til hydrologiske endringar i anleggsfasen bør andre effektar av tiltaket òg vurderast, mellom anna fare for nedslamming under tiltaksgjennomføring.

Fylkeskommunen stadfesta 13.05.2025 at tiltaket er friteke frå løyveplikt etter forskrift om fysiske tiltak i vassdrag.

KONKLUSJON

Viser til våre merknader ovanfor.

Med helsing

Ingunn Bekken Sjøholm
fylkesplansjef

Idunn Eide Sanden
rådgivar

Dokumentet er elektronisk godkjent og har derfor ingen signatur

Kopi til:
Statsforvaltaren i Møre og
Romsdal